

ادبیات کمونیستی مجبوریه

هفته لقی سیاسی ، ادبی و علمی غزته در .

جلد : ۱

سنه : ۱ ۱۷ ربیع الآخر ۱۳۳۵ جمعه ایرتسی ۲۸ کانون ثانی ۱۳۳۲ نومبر ۱۵

اسویچره خاطرائی

۷ اغستوس .

بوکون بر طغیان ضیا وار . اوتلاردن ، کوشکاردن هرکس مائی کوزلکر طاقه رق دیشاری
چیقیور . چاملر ، شمسیه لک آغاچلر کولک لک ایده میور .

بوکون طاغلر دها یوکک ، دها مهیب ، دها شاهانه !... ایکی ساعت قدر اولدیجه دیک بر
شاهقه یه چیققدق . بیک سکز یوز مترو مرتفعز . مشهود اولان منظره دونکینک عینی ، یالکز دون
غربدن ، بوکون شرق جهتدن باقییورز . زیر نظریمزده هپسی فرانسز اوله رق ۲۸۱۰۰۰ نفوسی
خاوی قانتون دووو کورینیور . کوک یوزندن ، طاغ باشلاردن اینان عظیم و عمیق بر سکونت بوتون
بر قطعه نک اوزرنده طورییور ! بیلیم نه قدر وقت کچدی .

کونش مغربه تمایل ایدیور . صباحدن بری تنی حرارت شمسک تهییج ایتدیکی سما شرقده
نوشاقل لاقنک ایچنده بیقرار اوله رق مشهود . غربده اوزاقدن اوزاغه کورینان لامه لاقنک اوزرنده کی
سیس آلتون رنکته تحول ایتکده . یوقازیدن ایندکجه درینلشن نظرافقلزده یینه یوکسلمکه باشلایه رق
آپ طاغلرینک شواهنه بی تاب اوله رق یتیشیور . شنیدی بولندییم نقطه ده سما بنده یتیشور ، کره
ارض بندن باشلیور !

۱۵ اغستوس .

بوکون روشه دونییه دوغری یوکسلیورز . غایت منتظم بر یولی تعقیب ایتدکجه چام اورمانلرینک
اره سنده غائب اولوب یینه چیقیورز . یوکسلدکجه هر آن هوا دها صاف ، دها شفاف ، بر آزمايع .
هواي یالکز تنفس دکل ، ایچنده بر ایکی دامله کونش اولدینی حالده ایچیلیور .

طاغلردن سقوط ایدن نظرلر شهرلری ، کویلری ، نهرلری ، وادیلری ، اورمانلری ایاغمزک آلتنده ،
ینه کوکدن طاغ باشلرینه اینه رک اوستلرنده طوران مهیب و بی پایان سکونت ایچنده کوریور .

شو برقاج کون طرفنده هستی خا کدانیدن تجردله حضور پر نور سمایه چیقدم . و اویل که کوک
ارضک شواهنده دولاشدییم بوکونلرده سماده کیمسه بی بولدم . هیچ کیمسه یوقدی . یالکز آی



بر هفته لوق تاریخ حرب



[۱۹ — ۲۵ کانون ثانی ۱۳۳۲]

بو هفته ده مختلف حرب جبهه لرنده بلااستثناء سکون مطلق دکلسه بیله بو کاقرب، بر حرکتیزلک واز، فرانسه جبهه سنده، ایتالیا جبهه سنده، ماکدونیا جبهه سنده وریغانک جنوبدن قره ده کزه قدر عمدت روس جبهه سنده موضعی و کوچک تشبثات حربیه اولیور. سپردن سپره تعرض، بر مقدار اسیر، برایکی میترا لوز، ایسته بوقدر. سراپا قارلرله مستور اولان ساحه حربک سیسلی هواسنده آرا صیرا بوغوق طوب ایکیلدی لری عکس ایدیگور. آلمانلرک ریغا جنوبنده (آ آ) نه ری اوزرنده کی حرکتلری بو هفته - موفقیتله اجرا ایدیلن برایکی تشبثدن ماعدا - توقف ایتشدن. هله رومن جبهه سنده هیچ برشی یوق. روسلر ورومنلر قویاً بکله دکلری ماکزون تعرضه قارشی سهرت نه ری آرقه سنده مولداویاده ممکن مرتبه آغیرطوبلر برلشدره ره خطوط مدافعه تأسیسی ایله اوغراشیورلر.

بو هفته الک زیاده فعالیت حربیه کوزونن جبهه لر عثمانلی جبهه لری اولشدر. انگلیزلر دجله جبهه سنده تعرضلرینه دوام ایدیورلر. فقط تبلیغ رسمیلر مزده اوقوندیغی اوزره بیکلرجه و بیکلرجه مقتول ویردکلی حاده بر آدم ایلر یله یه مه یورلر. بوندن بویه ده الک آغیر ضایعات بهاسنه بیله ایلر یله یه مه یه جکلر در. تورکلرک چاناق قلعه ده کی سینه حماسه و متاتی بوراده ده انگلیزلری قارشیلامشدر. قفقاس جبهه سنده کشف تعرضلری اولیور سه ده اهمیتدن غاریدر.

* *

بو هفته نک وقوعات سیاسی سی پک زیاده مهمدر. بردفعه مملکت مزده سعید حلیم پاشا قابینه سی استعفا ایدره رک یرینه طلعت پاشا قابینه سی کلشدر. سعید حلیم پاشا اوچ بوجوق سنه دن زیاده بر زماندن بری رأس کارده بولونیوردی. ادرنه بی دست اعدادن قورتارمق جسارت مدینه سی کوستره رن بو قابینه آلمانیا ایله عقد اتفاق ایتک وعصر دیده دشمنلر مزه میدان اوقومق قدرت سیاسی سنی ده ابراز ایتشدی. اسباب صحیه دن دولایی استعفا ایدن سعید حلیم پاشایه طرف شاهانه دن بر نامه ملوکانه ایله بیان تشکرات و تقدیرات بویورلشدر. یکی قابینه یی تشکیل ایدن طلعت پاشا حضرتلری، انقلاب اخیر مزدن بری بوتون مملکت مزک حیت و وطن پرورلکله، عزم و متانتله، اعتدال و قدرتله طانی دینی بر رخل حکومت مزدر. طلعت پاشا حضرتلری، شیمدی یه قدر مقدرات اداره و سیاسی سننده ذاتاً تأثیرلرینی کوستره ردکلی بو مملکتک زمام اداره سنی شیمدی تمامیه اللرینه آلیورلر. خط هایونده دینلرکی کی بو نازک زمانده امور دولتی دوش مسؤلیت و حیتلرینه آلا ن طلعت پاشا، انور پاشا، جمال پاشا و رفقای محترمه لرینه موفقیتلر تمنی ایدهرز.

هفته نک دیگر وقعه سیاسی ده آلمانیا ایله آوستریا مجارستانک، دیگر متفقلرینک ده موافقتیه افرنجی بر شیا طدن اعتباراً بوتون انگلیز، فرانسه، ایتالیا ساحلر یله بحر سفیده بو مملکتلرک اللرنده بولونان فاس، جزائر، تونس، طرابلس و مصر، ماکدونیا، آرناوودلق و آطه لر ساحلرینه بویوک و شامل بر آبلوقه اعلان ایتله لیدر. آلمانیا ایله آوستریا مجارستان بیطرفلره تبلیغ ایتدکلی بر نوطه ده بزم طرفک آمال صلح و روانه سنه رغماً، اولدره سی به حربه دوام ایتک ایسته ین دشمنلر مزه

قارشی ہر درلو سلاح ایلہ و بوتون قوتنزلہ حربہ دوام مجبوریتندہ بولوندیغیزی ایضاح ایدہرہک۔ محاریات بحریہدہ و تحت البحر حربندہ شمیدی یہ قدر بیطرفلرہ قارشی اختیارایدیلن تجدیرات و تقیداتدن صرف نظر ایتکہ مجبور اولدقلرخی و مربوط مخطرہدہ حدودلری کوستریلن آبلوقہ منطقہسنہ کیرہن کیلرک ہانکی ملتہ منسوب اولورسہ اولسون بلا قید و شرط باتیریلہ جقلرخی اشعار ایتشلردر ۔

افرنجی شباطک بزندن اعتباراً باشلامش اولان بو آبلوقہ ۱۹۱۵ سنہ سی شباطندہ اعلان ایدیلن وہان دہ یالکز انکیز سواحلتہ منحصر قالان آبلوقہ یہ نسبتلہ قات قات واسع و تہدیدکاردر ۔ آلمانیا تحت البحر محارباندہ برجوق تجربہلر قازاندقن ماعداء تحت البحرلرخی کرک عددآ و کرک جمآ اسکینسہ نسبت قبول ایتز درجہدہ تزیید ایتشدہ عددلری ہیچ شہہ سز یوزلرہ بالغ اولان و اوزاق دکلرہدہ اوزرن مدت قالہ پیلہ جک اولان متعدد طویلہ مجهز بو (تحت البحر قرووازورلر) آبلوقہ بی پک مؤثر بر صورتہ باشہ چیقارہ جقلردر ۔ ذاتاً صوک زمانلرہدہ تحت البحر حربی اوقدر تکامل ایتشدی کہ بر کوندہ ۶-۵ کی باتیریلیوردی ۔ یکی و شدید اواصرک اعطاسیلہ ، آلمان کیجیلرینک قوللرخی باغلایان تحدیدات اورتہدن قالفینجہ ، یالکز بر کوندہ ۲۸ کی باتیرلشدر ۔ آبلوقہ نک تأثیراتی شیمیدن کورویورز ۔ بوتون بیطرف و حتی دشمن واپورلری لیمانلرندن چیقلما یورلر ۔ ایش بویلہ کیدرسہ ائتلاف اوزاق دکلرہدن ارزلق و مہمات ، عسکر و لوازم جمعندہ پک چوق صیقیندی چکہ جک ۔ ائتلاف ممالکی دہ آجلنی حیس ایدہ جکلر ۔

بیطرفلر شو آبلوقہ مواجہہ سندہ کندی منفعتلرخی مدافعہ ایچون بالطبع اتخاذ تدابیرہ قویولدیلر ۔ بونلردن ، ذاتاً تحت البحر حربنہ معارض اولدینی معلوم اولان شمالی آمریکا حکومت متحدہ سی پک ایلری کیتدی ۔ برمدت اول جهان صلحندن بحث ایدہن رئیس ویلسون آلمانیا ایلہ قطع مناسبات ایتدی ۔ شو صیرادہ طرفین سفراسی بولندقلری ممالکتلری ترک ایتک اوزرہدرلر ۔ آمریکا حربک بدایتندن بری تحت البحرلرک کیلری بلامعاینہ باتیرامایہ جغنی و غرق اولہ جق آمریکا لیلردن آلمانیا بی مسئول طوتہ جغنی ایلری سورہرک آلمانیاہ قارشی پک چوق مشکلات چیقاریوردی ۔ حتی آلمانیا ، ۱۹۱۶ سنہ سی بدایتلرندہ آمریقاہ قارشی سرفرو ایتش ، اونک وضع ایتک ایستہدیکي تحدیداتی قبول ایتشدی ؛ فقط بو خصوصہدہ ، آمریقانک انکلتیرہ قارشی عینی اصول و قواعدی تطبیق ایتدیرمہ سنی طلب ایلہ مشدی ۔ حالبوکہ حربی الی نہایہ تمید ایتک ویزی آجلقندن اولدورمک ایستہن دشمنلر مژہ قارشی بالضرورہ حربی سریعاً ختامہ ایردیرہ جک بر آبلوقہ اعلان ایتکہدہ مضطر قالان آلمانیا آمریقایی داربلتہ جغنی و آمریقا لیمانلرینہ التجا ایتش بر میلیار یارق قیمتندہ کی کوزہل سفائ تجارتیہ سنک ضبط ایدیلہ جکنی البتہ حساب ایتشدر ۔ بوسیلہ آمریقا ایشی آتشہ کیرہ جک قدردہ ایلری واردیریرسہ بزم جسارتز قیریلمازہ ، باخصوص کہ آمریقا بر دولت عسکریہ دکلدر ۔ اوروپاہ کوندیرہ بیلہ جکی عسکرلری حامل واپورلر تحت البحرلرہ باتیریلہ جقلرہ بودہ ذاتاً شیمیدی یہ قدر نقد و مہمات و ارزاق و لوازم ویرہرک دشمنلر مژہ معاونت ایدیوردی ۔

آنجق آمریقانک حربہ کیتہ یہ جکنی ، یالکز شدید بر پروتست و مقامندہ ؛ قطع مناسبتلہ اکتفا ایدہ جکنی قویاً ظن ایلہ یورز ۔ اساساً آمریقانک (مونروئہ) قاعدہ سی ، ژاپونیانک تہدیدکار وضعیتی ، آمریقانک منافع حیاتیہ سی موضوع بحث اولامہ سی و رئیس ویلسونک اوقدر حرارتلہ مدافعہ ایتدیکي صلح فکری کندیسنک حربہ کیرمہ سنہ مانعدر مطالعہ سیندہ یز ۔ کورہم وقوعات آتیہ نہ کویستہررہ بر مسترخ و امین بکلہ یورز ۔